

გაზეთი ამთავითვე გამოვა კვირაში ერთხელ კვირობით

დღეს გაზეთის შინაარსი:

- | | |
|--|---------------------------------------|
| 1) ვერსალის ზავი. | 6) სადღესო მუსიკა. |
| 2) დანგრეულ ოჯახთან. | 7) დამფუძნებელი კრება და კონსტიტუცია. |
| 3) რევოლუციის და ერის მოღალატე. | 8) ლუარსაბ ბოცვაძე. |
| 4) ჩვენც მათან ვართ. | 9) გეგირთ (სამხედრო ნაწილში). |
| 5) საქ. რევოლ. სინდიკ. მამულთა კავშირის პროგრამის ზოგადი დებულებანი. | 10) ჟურნალ-გაზეთებიდან. |
| | 11) ახალი ამბები. |
| | 12) ჩვენი ფოსტა. |

საერთო კრება.

ივლისის 1-ს, სამშაბათს საექიმო საზოგადოების დარბაზში (პუშკინის საშეთსველო, ალექსანდრეს ბაღის კურორტი) საღამოს სრულ 7 საათზე შესდგება საქართველო. რევოლუცი. სინდიკატის მამულთა კავშირის წევრთა საერთო კრება. დასწრება ეგება წევრთათვის საგადადებელია. დასწრება შეუძლიათ არა წევრთაც, მოსწონებებს თანამედროვე მომენტზე ჩვენს მიზანზე გააკეთებენ ალ. წერეთელი, ბ. ქედიბაიანი და ალ. იოსელიანი. მოსწონების შემდეგ გაიმართება კამათი.

გამოვიდა და იუბილეა
გალაქტიონ სავიძის
ლექსთა მეორე წიგნი, რომელიც შიდა მოთავსებულია ავტორის ლექსები 1914—1919 წლამდე. წიგნი სუფთა არის შედგენილი და ძვირფას ქაღალდზე დალირს 25 მანეთი.

დღეს-ქალაქი ივნისი 29 1919 წ.
იმპერიალიზმმა ვერსალის ზავი მა დაკატა შორის მშვიდობიანობის დაუძინებელმა მტრებმა გაიმარჯვეს. გერმანიის მთავრობა უძღვრის აღმოჩნდა, შეემსუბუქებია ზავის მძიმე პირობები. გადადგა შეიღებანის მთავრობა და ახალი სამინისტრო ბაუერის მეთაურობით შესდგა, ახალი მთავრობა იძულებულია ხელი მოაწეროს იმ ზავს, რომელიც უსაშინელეს ტვირთად დაწვეს გერმანელებს. ივნისის 25-ს გერმანელებს კიდევ უნდა მოეწერათ ხელი საზიზღარ და ველოური შურისძიებით გაყვნილ ზავზე. როგორი შეხედულებასაც არ უნდა ვიყოთ იმაზე. უნდა დათანხმებულიყო თუ არა გერმანია კაცთმოძულეთა პირობებზე, ერთი რამ ცხადია: ოდესაც ძლიერი და დაუძლეველი გერმანია დღეს გამარჯვებულია საშინელი შურისძიების ობიექტია, მას ყოველი მხრივ ყელთან ააქვს მიბჯენილი ზარბაზნის ლულა და უძღვრია

წინააღმდეგობა გაუწიოს ამ უამად მაინც გამარჯვებით გალაღებული იმპერიალიზმის რევანშის გრძნობით გაბრუნებული გამარჯვებული საფრანგეთი თვით სჭედს იმ ეროვნულ ბოროტებებს, რომლის საშინელება თვით განიცადა ამ ორმოცი წლის წინად; ცივი ანგარიშისა, დაუნდობლობისა და გაიძვირობის მუდმივი მატარებელი ინგლისი დღესაც, როგორც საუკუნეების განმავლობაში, აგრძელებს თავის შავ-ბნელ პოლიტიკას—ყველა მომქმედი ერის „პატიოსნად და კულტურად“ დამონებისას, მეწვრილმანური ანგარებით გაყვნილი, მეწვრილ-ბურჟუაზიულ სულისკვეთებით დაავადებული ამერიკის თვისი კაპიტალის ბატონობაზე ჰფიქრობს და ამავე დროს არ ივიწყებს „საქმეთ ქველმოქმედებისას“...
ასეა თუ ისე, დღეს ამათ გაიმთავრეს და ისეთ ზავს ჩაუყარეს საძარკველი, რომლის ცხოვრებაში გატარებაც რომ მოხერხდეს, შეუძლებელი და წარმოუდგენელია ხუთი წლის უსაშინელეს ომით განაწამებ კაცობრიობას მართლაც მშვიდობიანობა ელირსოს.
ეს ზავი თავისთავად ისეთი ბოროტობაა, იმდენ შინაგან წინააღმდეგობას შეიცავს, რომ უძღვრია ამერიკულ ბურჟუაზიულ სამხარეულოში გამოცხვარი ვილსონის „ხალხთა

ლიგის“ იდეა არსებითად რაიმე წესიერება დაამყაროს თანამედროვე საერთაშორისო აწეწილ საქმეებში. თუ ეს ზავი ასე დარჩა, ჩვენ მუდმივ ომის პროცესში ვიქნებით და ის მსხვერპლი, რომელიც გაიღო ქვეყანამ „მშვიდობისა და კაცთა შორის სათნოებისათვის“ ფუჭად ჩატარებული იქნება. მაგრამ ჩვენ ერთი წუთითაც არ ჩვეინდა დავიჯეროთ, რომ საფრანგეთისა, ინგლისისა და ამერიკის მშრომელი ხალხი შეურიგდება ამ ზავს. პირიქით ჩვენ ვფიქრობთ, რომ შრომის შეიღონი შესძლებენ თავიანთ ქვეყნებში ბოლო მოუღონ იმპერიალიზმის ვაკანალიას და არსებობასაც და საშუალება მისცენ კაცობრიობას ეზიაროს ნამდვილ მშვიდობიანობას. ჩვენ ვხედავთ, თუ როგორ იზრდება და თამამდება საერთაშორისო რეაქცია, მაგრამ ჩვენ იმასაც ვგრძნობთ, რომ ეს არის შეიძლება უკანასკნელი ამოძრავება დამუწულებული და შიგნით დამპალი ორგანიზმისა. დღეს რომ კიდევაც დამარცხდეს საერთაშორისო რევოლუცია, ტყუილად გაიხარებენ იმპერიალისტები. იმიტომ რომ მათ მიერ შექმნილი ზავი თვით მათვე გამოუთხრის ღრმა და ბნელ სამარს...

დანგრეულ ოჯახთან!

26 ივნისს ზუბალაშვილის სახლის კედლები მოწამე ხანდა მუშათა კლასის მთლიანობისა და სოლიდარობის დარღვევისა, პროლეტარული ავანგარდი ისევ დაუპირდაპირდა ერთმეორეს და მით ლახვარი ჩასცეს მუშათა კლასის მთლიან რევოლუციონერ ფრონტს!
ამიერიდან დღე იგი წყველ მოსაგონად დარჩება მუშათა კლასის მოგონებაში, ხოლო მესამე, ხმალი ამოწვდილი მტერი გულიანად გადისხარებებს, როცა მის აფეთქებას ხედვას ჩვენი დანგრეული ოჯახი მოვლანდება! დიან 26 ივნისს გაითხარა სამარე და საფლავი, სადაც ტფილისისა და ბაქოს პროლეტარიატმა შიგ ჩასვენა ძვირფასი მიცვალებული „თანხმობა!“ გულის წყვეტით და მწარე მოგონებით მოგვინებს ამ შავ-ბნელ დღეს მუშათა კლასის მომავალი ისტორია! ჯავშან-მუხარადით შეკაზმული მტერი გარს არტყია ამიერკავკასიის მუშათა კლასს, მსოფლიო იმპერიალისტები აპოტინებენ ჩვენს თავის მკლავ იმპერიალისტურ ზარბევებს, აქ ყველაზე უფრო საჭი-

რო იყო ხელი-ხელ ჩაკიდებული მოქმედება და მუშათა კლასმა ეს ყველაზე უფრო ძვირფასი მომენტი ხელიდან გაუშვა!
დღეს როდესაც მთელი მსოფლიოს პირიზონტი რევოლუციონერ ღრუბლებით იფენიება, როცა მთელი დედამიწის მუშათა კლასი საშინელის კატასტროფით ემუქრება ბურჟუაზიას, ყველაზე უფრო საჭირო შეერთებისკენ მოუწოდებთ ჩვენ მუშა ამხანაგებს! 26 ივნისი—ეს ხომ პირდაპირ წარმოუდგენელია, რაც მან გადმოგვცა და გვიანდერძა, ამიერიდან კავკასიის მუშებს ყველაზე მეტად მართებს თავი ანებონ ვიცე-დირექტორების, გრძნულ კვერთხს და მუშათა კლასს მოუწოდონ, რათა ძვირფასმა მთლიანობამ და მუშურმა შეკავშირებულმა ძალამ შეერთებული ძალადონი ერთის დაკრით მოსპოს კარზე მოსული მტერი. გონს მოღიწი! ისევ შეერთდით!!!
აი რას მოვითხოვთ ჩვენ სინდიკატისტები!...

ს. კოლხიძელი.

მარს მოლაღაბემო, ჩემო-ლიუბიის დამაღაბელო!

ყოველივე სინილის და პატიოსნების დამკარგველნო, რას ფიქრობთ, რა გამოქმედებთ, ვერ მოგინებიათ თავისუფლების და რევოლუციის ხანა. ვერ შეგუებიათ ცარიზმის და თვითმპყრობელობის დაკარგვას. მე მესმის, როდესაც რუსეთის შავი რეაქციონერები, და მათი ავანგარდი ოფიცრობა, ყოველივე ფორმალურ ღირსებას ჩამოართმეულთ ვერ მოუწელებიათ, ვერ განზორბიან ჩინ-ორდენებზე ფიქრს. უმთავრესი მათი ამოძრავებელი ფაქტორი რა არის, თუ არა უშინაარსო, ყოყოური, უღირსი ღირსების დაცვა. მე მესმის, როდესაც ისინი დენიკინს მხარში ამოსდგომიან და ლამობენ ვითომდა ძველი რუსეთის აღდგენას მთელი ისი საშინელებით, მაგრამ თქვენ უღირსო შეიღონო, საქართველოს შეურაცხყოფელნო, სამშობლოს და რევოლუციის მოლაღატენო ქართველო ოფიცრობა, რას ეკითხებით თქვენს თავს, რა აზრი გამოქმედებს, რას გეუბნებათ თქვენი სინილისი, როდესაც იღებთ მახვილს ხელში მათ გასამირავათ, ვინც ღია გულით თავგანწირულად, რომელთაც სამშობლოს შერცხვენა, მისი გაქვლავს სიკვდილი ურჩევნიათ მიუტოვებიათ ყოველივე პირადი ბედნიერება და სამშობლოს და რევოლუციის სადარჯოზე სდგას და ელის ყოველ წუთს ვერაგ მტრის შემოტეულ მახვილს, რომ მათაც გმირულათ პასუხი გასცენ. ნუ თუ ვერ შეგიგნიათ და თუ

შეგიგნით არ გაშვოთებთ, თუ რას უმზადებთ თქვენი თავგებდობით თქვენ ამლზდელ—სიკაცხლის მომცემ თვალის ამხილელ სამშობლოს კერას, ნუ თუ არ გაუშვებთ ის თუ რა დღეს დააყენებს გამხეცებულ მგელთა ხროვა თქვენ დედებს, თქვენ დებს, მოხუც მამა-პაპებს, ნუ თუ არ იცით, რომ მთელი საქართველო და რევოლუციონერი დემოკრატია სისხლით შეიღებება და შეიღებება იმიტომ, რომ სამარცხვინო დანებებას ყველა სიკვდილს ირჩევს. ალა-მამადხანზე საშინელი სურათი განმეორდება. მხოლოდ მაშინ მოლაღატენი თითხე ჩამოსათვლელი იყო, რომელნიც მხოლოდ ჯაშუშობით კმაყოფილდებოდნენ, დღეს კი თვით აგილიათ მახვილი ხელთ და თქვენი ბილწი ხელებით ლამობთ თქვენი ქვეყნის დამცველი გმირების გულის გაპოზას, მაგრამ არა, სამშობლოს და რევოლუციის დამცველი თქვენ შესაფერადგის მიგიჩენენ, ისტორია საუკუნოთ აღნუსხავს თქვენს მოღვაწეობას სამშობლოსადმი. ნუ ფიქრობთ მოლაღატენო ჩვენ უსისხლოთ დამორჩილებას და რეაქციის აღდგენას ჩვენში, რომ ისევ ძველებურათ ითარეშოთ. სანამ განახლებულ ქართველ ერის ამოძრავებელ შრომელ ხალხში რევოლუციონერი სისხლი სჩქეფს, სანამ მათში არ გაჰქრება თავსუფლების და ბედნიერებისაკენ ლტოლვა-სურვილი მანამ მათ ასე აღვილიათ ვერცინ დამორჩილებს, მხოლოდ სისხლით დაკლილ მათ გვამებზე შეგიძლიათ გადართო სისხლის მსმელ მგელთა ხროვამ, და მათში მყოფ სამშობლოს გამყიდველებს შეგიძლიათ დაეწაფათ და შესვათ თქვენ მიერ გაგმირულ თქვენი სამშობლოს და თავისუფლებისათვის თავგანწირულ გმირთა გულიდან გადმოთხეული მოძვე მამულიშვილის უმანკო სისხლი.

დემნა.

ჩვენს შერთა ვარო...

მთელი მსოფლიო პირის-პირ დგას სოციალისტურ რევოლუციის წინაშე. დღეს არა ხელ აუტილებლად კაცობრიობას მოედება საერთაშორისო რევოლუცია და მას სოციალისტური ხასიათიც მიეცემა.
ეს უკვე დაწყებულია, არ დარჩენილა ასე ესთქვათ არც ერთი ერი, არც ერთი სახელმწიფო, რომ იქ არ იყოს რევოლუციის ჩანასახი, ყოველგან ხშირათ, მუშური გაფიცვები პოლიტიკური ხასიათისა, საპროტესტო რევოლუციები იმპერიალისტების წინააღმდეგ. ამა თუ იმ მოქმედების გამო, ჩვენ ბევრი გვსმენია და გვესმის ეხლაც მოკავშირეთა სახელ-

მწიფობის მუშების პროტესტი. გერმანიისადმი და ავსტრიისადმი წარდგენილ ზავის პირობებისა.

რუსეთის დიდი რევოლუციის გაფართოვებული ხასიათის ღებულობის და დასავლეთისა და გვიანდელი რევოლუციონური ცეცხლი ედება.

ვერავითარი სტიქიური მოქმედება, რეაქციონერების მხრით მას ვერ ჩააქრობს, რადგანაც ძლიერია ლტოლვილები და სიყვარული თავისუფლებისადმი, ძლიერია კაპიტალიზმის დამხობის სურვილი და ქიზან განთავისუფლება შრომელი მასისა.

ბრძოლაში ის იმარჯვებს ვინც მეტი შეგნებულია, ვისაც მიზნათ აქვს მონური ბოროტების დასწერვა და სამუდამო გათავისუფლება, ამ მხრით მუშებს პირველი ალავი უჭირავთ და მომავალიც მათია.

დღეს გამოჩნდება ვის უფრო უყვარს შრომელი ხალხი თა ვინ მიიღებს მის განთავისუფლებისაკენ, ვინც მას არ მიჰყვება ის მისი მტერია და დღეს უნდა აეხადოს მასკა იმ ბატონებს, რომლებიც სოციალისტურ ქუჩაში ევლინებიან შრომელთა მასის თავის პირადი ბატონობისათვის და სხვადასხვა დაპირებებით შრომელ კლასს იყოლიებს თან ოცნების მორევში, თუმცა-ღა მუშებმა ეს უკვე გაიგეს, რომ არავითარ გაბატონებულ პარტიას მისთვის ბედნიერების მოპოვება არ შეუძლია.

მთელი მსოფლიო ორ დიდ ბანაკათ არის დაყოფილი: ერთ მხარეზეა ეკონომიურად ძლიერი და გამყვლეული ბურჟუაზია და უილაჯო რეაქციონერები, რომლებიც შრომელთა ბანაკს შთანთქას უქადის, მეორე მხარეზეა გაქვალ-ტყავებული, ბრძოლით სისხლისაგან დაკლილი შრომელი მასა, ქალაქის და სოფლის მუშები.

პირველი მოთხოვნა გაბატონებას, გამდიდრებას და ქვეყნის გადაყლაპვას, მეორე კი—სამართლიანობას, ძმობის დამყარებას და ჩაგრვა მონობის მოსპობას.

პირველს უჭირავს ეროვნული და ტრადიციული დროშები, ეროვნებათა სიმძულვარის და და შხამის დამთესავი, მეორეს კი—მათთვის თავზარ დამცემი, მათი გამანადგურებელი, ჯერ კიდევ სისხლით შეღებული წითელი დროშა, რომელიც ძირს არ დაეშვება სრულს გამარჯვებამდე.

აი ამ ორ ბანაკთა შორის ბრძოლა გაიღებოდა. სისხლიდან იტლებიან საუკეთესო მებრძოლები; მსოფლიო პროლეტარიატი იბრძვის ოთხკუთხე ინგრევიან ძველი სასახლეები, სადაც ოდესმე მეფეები განცხრომას ეძლეოდნენ; იმსხვრევა ძველი რეაქციონური და ბურჟუაზიული წესწყობილება.

შრომელ ხალხს ახალ-ახალი ძალა ემატება, — მოწინააღმდეგეებს კი—ეცლებათ და მარტო, როგორც ძირ გამომპალი მუხა, გამოლაყვებული ჩენჩო რჩება.

ამის საუკეთესო დამტკიცებელია რუსეთის რევოლუციის, რომელიც დაუნდობლათ ებრძვის ძველს აშუარებს ახალს; ასე ხდება გერმანიაში რა სხვა ახლათ განთავისუფლებულ ქვეყნებში და თუ ჯერ კიდევ საგრანგეთში და ინგლისში მუშები ქტიურათ ვერ გამოდიან და მარტო გაფიცვებით და საპროტესტო რეზოლიუციებით თავს ინუგეშებენ, დადგება დრო რომ ისინიც და მასთან ჩვენც ჩავებით საერთაშორისო რევოლუციის ფერხულში, რადგანაც

მსოფლიო იმპერიალიზმის ციკლი (რუსეთი და გერმანია) დასრულდა და რამდენათ არ უნდა ეცადონ დრო-მოქმედება და წრეს გადასვლა, შრომელთა ხალხის, მტრებმა, ძველის აღდგენის და ახლის დანგრევის სრული უტოპია იქნება.

მეოცე საუკუნე მეტი მკაცრი გამოდგა ვინცმ გასული საუკუნეები, მან ახლა მასკა ყველა ცრუ-მორწმუნოებს, უკუთავს და რამოდენიმე კიდევ გაუკავა გზა შრომელ მასსა და საუკეთესო გზისაკენ მიუთითა.

თანამედროვე მომენტს არ შეუძლია ერთ და იმავე დროს მოათავსოს ერთ სფეროზე ორი ბანაკი ბურჟუაზია და პროლეტარიატი, ან პირველი ან მეორე სხვა გამოსავალი გზა არ არის, ამისთვის იღვრება წმინდა სისხლი შრომელთა მასისა, წმინდა საქმისთვის. მოსკოვის, პეტერბურგის, მიუნხენის, კენისბურგის, ბუდაპეშტის და სხვ. ქუჩებში; მკაცრია გაბატონებული კლასი ბრძოლაში, მაგრამ მეტი მკაცრი აღმოჩნდა დღეს შრომელთა კლასი თავისუფლების და თანასწორობის დაცვაში.

საქართველოს შრომელი ხალხიც ასეთ აუცილებელ ბრძოლის წინაშე სდგას და არ შეუძლია მათ გულზე ხელდაკრფილი უცქერდეს შექმნილ მდგომარეობას, ჩვენც გუშინდელ ამხანაგებთან ერთად უნდა შეუტოთ კარზე მომდგარ გაბრაზებულ და უდღეურ რუსის შავს ყოჩანს დენიკინს და მთელი ჩვენი ძალდონით ერთხელ და საუკუნოთ ჩავცეთ ლახარი, აღმოგვხვრათ დედა-მიწის გულიდან, იმისი ხსენება აღარსად იყოს და დენიკინის შავი მოქმედება ძველის ძველს არხივს ჩავაბაროთ, სადაც „ასეთ ვაჟაკობისათვის“ ოდესმე მისი თანამოაზრენი პარტიის-ცემით მოიხსენიებენ.

ჩვენ შეგძახებთ მსოფლიო მაშველთ: „ჩვენც საქართველოს მაშველთ თქვენთან ვართ“, და მათთან ერთად ჩავებით საერთაშორისო რევოლუციის ფერხულში.

მაშ ან სიკვდილი, ან საუკუნოთ გამარჯვება თა ბედნიერების მოპოვება.

აი დღის წესრიგი და აქეთ უნდა იქნეს მიქცეული ჩვენი შრომელთა ყურადღება, რომ ჩვენც ჩვენი წვლილი გამოვიღოთ ქვეყნის შენებაში.

მზათა ვართ ჩვენი წითელი დროშაც შეუერთოთ საერთაშორისო რევოლუციონურ მსვლელობის დროშებს და მათთან ერთად ჩვენც ვიდღესაწაულებთ მსოფლიო შრომელთა გამარჯვებას.

დაყოვნება მომავლდინებელია, რადგანაც არა ერთი მაგალითი გვახსოვს თუ რა გამოუწვევია მთავრობის ყოყმანს და მერყეობას, საქმარისი ბათუმის ამბებიც.

მოსე ფირ—შვილი.

საპარტიოელს ჩავოლიუხ. სინდიალისტ გაშვრალთა პავრიის პროგრამის წოგა დი დაგულებანი.

(გაგრძელება იხ. „ახ. ნაკ.“ № 31).

მაქვე განმარტება უმთავრესი მუხლებისა.

1. კლასთა ბრძოლა.

ადამიანთა შორის არსებული ქონებრივი უთანასწორობა აღმოცენდა და დამყარდა პირველყოფილი კომუნის ნანგრევებზე; იგი წარმოშობილია კერძო საკუთრების მიერ. ამ უთანასწორობამ მისცა დასაბამი კლასთა დასახელებს და ამიტომაც სა-

ზოგადოებრივი კლასები უპირველად ყოვლისა ეკონომიური მოვლენა არიან. თითოეული კლასი განკვეთილ ინტერესებს განსაზღვრული კატეგორიის კლასთა წარმოშობას თან სდევდა აგრეთვე კლასთა ბრძოლაც. ამგვარად, მართალია. კლასთა ბრძოლა უუშველეს დროიდან არსებობს. მაგრამ თავდაპირველად იგი უფრო შეუმცნობელი, სტიქიური იყო და მხოლოდ შემდეგ განვითარების პროცესში იღებს იგი შეგნებულსა და გარკვეულ სახეს. კლასთა ბრძოლას ახასიათებს უმთავრესად ორი ნიშანი: ობიექტიური, რომელიც კლასთა არსებობასა და მასასადავს ქონებრივი უთანასწორობის ფაქტზეა დამყარებული, და სუბიექტიური, რომელიც კლასობრივი თვითშეგნებაში გამოიხატება. ამ უთანასწოვლს ადგილი აქვს მაშინ, როდესაც ერთი კლასი არჩევს თავის თავს სხვა კლასებისაგან და თავის განსაკუთრებულ იდეას ისახავს. კლასთა ბრძოლის სათანადო განვითარებისათვის არ კმარა მხოლოდ ობიექტიური პირობების არსებობა, აუცილებელია შეგნება ამ ობიექტიურ პირობათა მნიშვნელობისა, საჭიროა სუბიექტიური ქმალაც—იდეა, რომელიც უნდა აღვიძებდეს მებრძოლთა გონებას, ხელმძღვანელობდეს მის მოქმედებას, იფარავდეს მას გადაგვარებისაგან და აჩქარებდეს მის სვლას საბოლოო მიზნისაკენ. ეს ორი ელემენტი კლასთა ბრძოლისა—ობიექტიური და სუბიექტიური—განუყოფელი და განუთვისებელი უნდა იყოს.

კლასთა ბრძოლის ნიადაგია წარმოება და ნაწარმოებთა მოხმარება. რაკი საზოგადოების ერთ ნაწილს კერძო საკუთრების უფლებით დაუპყვრია საწარმოთ იარაღები და ბუნებრივი სიმდიდრე და მიუნიჭებია მხოლოდ თავისთვის მათი მოხმარებისა და გამოყენების უფლება, მაშასადამე ცხადია, იგი არ ცხოვრობს საკუთარი შრომით, არამედ სხვისი, მაშვრალი ხალხის შრომის ექსპლოატაციით. ეს მაშვრალი ხალხია, რომ ჰქმნის ყოველგვარ ღირებულებას, სიმდიდრეს, ხოლო მისი შრომის უდიდეს ნაწილს ისაკუთრებს და სტკება ბურჟუაზია. პროლეტარიატი კი, შექმნილი უსახლერო სიმდიდრისა, მით თვით ვერ სარგებლობს და ყოველად გაქირავებულ არსებობას ატარებს. ყოველივე, რაც წარმოებაში შექმნილია და ან იქმნის, ყველაფერი სოციალური კაფაქტივის ქმნილებაა. მაგრამ ყველაფერი ეს თანამედროვე პირობებში მხოლოდ მართველი კლასის ქონებაა.

ერთი სიტყვით, დღევანდელი მრეწველობა სოციალურია წარმოების მხრივ, მაგრამ ინდივიდუალისტურია მითვისება-მოხმარების მხრივ.

პროლეტარიატი მიისწრაფვის ამ ბოროტების მოსაპობად და სამართლიანობის დასამყარებლად, მას ჰსურს, რომ თანამედროვე მრეწველობა, სოციალური წარმოების მხრივ, სოციალური გახდეს მოხმარებითაც, რომ ნაწარმოები საზოგადო ენერგიისა და ძალისა საზოგადოებას ეკუთვნოდეს და არა კერძო პირებს; ამიტომაცაა, რომ მან თვისი იდეალი სიტყვა „სოციალიზმი“ გამოხატა, ბურჟუაზია კი პირიქით ცდილობს შეუწინააღმდეგოს წარმოებას სოციალური ხასიათი, ხოლო მოხმარებას ინდივიდუალისტური. ამიტომაც ბურჟუაზია კლასს წარმოადგენს, რადგან იგი არავითარ პირდაპირ წარმოებითი

როლს არ ასრულებს. ფეოდალურ არისტოკრატიათან ბრძოლაში ბურჟუაზიამ მოიხმარა მუშათა კლასი, მისი უახლოესი შემწეობით, ძალით დაამხო ფეოდალიზმი და დაამყარა თავისი ბატონობა. მაგრამ არსებითად შეიცვალა მხოლოდ გარეგნული გამოხატულება მონობისა, თორემ შრომელი ხალხი ახალი ბატონის მიერ კვლავ მონურ მდგომარეობაში იქნა დატოვებული. საბედნიეროდ დღეს პროლეტარიატი თვის ბრძოლაში უკვე დაგეგმებულია და უკვე საესებით აღარ საჭიროებს ბურჟუაზიის ხელმძღვანელობა-ორგანიზატორებას. ვინაიდან ბურჟუაზია თავის ნებით არას დაუთმობს პროლეტარიატს ისევე, როგორც ფეოდალიზმს არ დაუთმო ბურჟუაზიას, ამიტომ როგორც მონობისა და ფეოდალიზმის დამხობა აგენტად უპირველესყოვლისა კლასთა ბრძოლა იყო, ისე კაპიტალისტური წეს-წყობილების, რომლის არსებობაც თანდათან დაუდგარი ხდება და უკვე ძირი ეთხრება, დამხობა აგენტად იგივე კლასთა ბრძოლა იქნება. ძველი დროის სახელმწიფოები დაიღუპნენ ამ შინაგანი სოციალურ წინააღმდეგობათა მეოხებით, რომელიც უმთავრესად მონობის საზიზღარ ინსტიტუტის არსებობაში გამოიხატებოდა; ახალი დროის სახელმწიფოები კი დანგრეულ იქნებიან პროლეტარიატის წითელი ლაშქრის ძლიერი მკლავით, კლასთა ბრძოლის მოსაზაზ მსოფლიო კლასთა ბრძოლითვე შეიძლება. პროლეტარიატი სამკვდრო-სასიცოცხლოდ არის დანტერესებული თანამედროვე ბურჟუაზიულ წესწყობილების დამხობაში, რადგან მასშია მისი ხსნის ერთადერთი გზა და ისტორიის მიერ დაკისრებული წმინდა მისია. ამ ეკონომიური ბრძოლის ნიადაგზე უნდა ოახდნოს მან თვისი ძალის სრული მობილიზაცია და კოორდინაცია და წაუშლდაროს თავისი სუბიექტიური ხელმძღვანელი შეგნება—იდეალი ამ კლასთა ბრძოლის ძირიან-ფესვიანად მოსპობისა და თანასწორ, თავისუფალ და ჰარმონიულ ცხოვრების დამყარებისა და მედგარი ბრძოლით დაამხოს თანამედროვე მონობის რეჟიმი. განთავისუფლოს თავი თვისი და მით თავისუფალ ჰყოს მთელი კაცობრიობა. რაც უფრო იზრდება და ფართოვდება მუშათა კლასის თვითშეგნება და გამოცდილება, იგი მით უფრო აშკარად რწმუნდება, რომ ერთი კლასის მეორეზე გაბატონებას ვერ გახდის თვის იდეალის განსაზოკიელებელ საშუალებად და ამ მხრივ ბურჟუაზიის მაგალითისა და გზას ვერ გაჰყვება. დიქტატურის დაწესება მისი საქმე და მიზანი არ არის; დიქტატურა ბატონობაა, ხოლო პროლეტარიატის მიზანი ყოველგვარი ბატონობის მოსპობაა. სოციალიზმი და დიქტატურა არსებითად შეუთრეხელი რამ არის. ამიტომ დიქტატურა, რა მიზნითაც არ უნდა იყოს იგი დაწესებული, რეაქციონერი მოგეგნა და თვის არსებობაშივე ატარებს რეაქციის წარმოშობ პირობებს. სოციალური რევოლუციისთვის მომწიფებული და განვითარებული მუშათა კლასის იდეალი არ შეიძლება იყოს პიროვნების დაჩაგრის რეჟიმი, რადგან თვით ეს კლასი წარმოადგენს პიროვნებათა თავისუფლებისთვის მებრძოლ ინდივიდთა კავშირს.

თვით კლასობრივი ბრძოლაც ის ფორმაა მოძრაობისა, რომელსაც ადა-

მიანის სახელმწიფოსა და ადამიანის მიერ დაჩაგრვის მოსპობასთან ერთად მიზნად აქვს ისტორიის განვითარებისა და სრულყოფის დაპირება. ამ მხრივ კლასთა ბრძოლა კაფაქტიური რა განსხვავდება ინდივიდუალისტურის ბრძოლისა.

(გაგრძელება იქნება)

საღლისო მუსიკი.

III.

მიწის კანონის ავტორები ამბობენ, რომ შრომელ ხალხს ამ ქაშათ აუარება ფული გაუჩნდა. მან აღარ იცის, რა უყოს ამ ფულს.

აი, სწორეთ ამ გადამეტი ფულით შეწუხებულ ადამიანს ჩვენ უნდა დავხმაროთ, საცოდავი გაქირავებიდან გამოვიყვანოთ და ეს შეწუხებული და დამღონებული ფული ჩამოვართვათ.

პირდაპირ, ძალით, დეკრეტის საშუალებით ეს, ცოტა არ იყოს, უხერხულია, რადგან მაშინ შეიძლება კენჭები აღარ ჩაგვიჩხრილოს შრომელთა. აქ ხერხია საჭირო, ხერხი ნაცადი ყოველი ქვეყნისა და სახელმწიფოს ბიუროკრატის მიერ. ეს ხერხი კი ის არის, რომ ხალხს რაიმე, ან ფულის მაგიერი უნდა მიაწოდო და ისე მოაწვენო, რომ აქ საქონლის გაცვლა-გამოცვლა არის, არც მეტი, არც ნაკლები. მით უფრო იოლათ გავა ეს ხერხი ამ ქაშათ, როცა საშუალოზე არის გამოტანილი ასე წოდებული არა-პირდაპირი გადასახადი, გაწერილი ცხოვრებისთვის ყოველად მიუღებელ ყოველგვარ საჭიროებაზე, ის გადასახადი, რომელიც კი დამგობილი იყო წარსული საუკუნის პირველ ნახევარში თვით სისმონდის მიერაც კი, სოციალისტების მიერ კი ეს არა-პირდაპირი გადასახადი ხომ სრულებით შეჩვენებულია, რადგან დამტკიცებულია, რომ ეს გადასახადი მთელი თავისი სიმძიმით შრომელ ხალხს, მაშვრალს აწევს. აი, ეს გადასახადი გამოფენილია დღეს ჩვენს დემოკრატიულ რესპუბლიკაში, რომელსაც მეთაურობს „სოციალისტები“. თუ ეს ასეა, რაღა მოსარიდებულა. რომ შრომელმა ხალხმა, უმიწაწყლომ ფული გადაიხადოს მიწის ნაჭერში. ეს ნაჭერი მიწისა ისე, როგორც ყოველი უპირველესი და მიუცილებელი საჭიროება ცხოვრებისა, უეჭველათ უნდა იყიდოს მიწად-მომქმედმა, თუ უნდა არსებობა, თუ სურს სიცოცხლე. თუ ასეა, რატომ-ღა არ უნდა გადაიხადოს ეს ფული, რომელიც ამ ხანათ იმ ნაირივე არა-პირდაპირი გადასახადია, როგორიც გაწერილია ყოველ უსაჭიროს საქონელზე.

ცხადია, აქ ბოლომდი გატარებულია ერთი ხაზი, ერთი პრინციპი: დე, გაიმარჯვოს და გავრცელდეს არა-პირდაპირი გადასახადი, ხალხს კი, შრომელ მაშვრალს თუნდა ჯანდაბამდი გზაც ქონია! მკითხველი ხედავს და რწმუნდება, რომ, თუ ზევით ლოლიკას დალატობდა გაბატონებული პარტია, როცა უფასოთ ჩამორთმეულ მიწებს ჰყიდის შრომელზე, მაშვრალზე,—აქ კი სრულგებთ დაკუთლია ლოლიკა. რატომ? უბრალოთ ასახსენილია: ერთიც და მეორეც გაბატონებულის, ახლათ მოვლენილი ბიუროკრატისთვის სასარგებლოა. ჩვენ კი კარგათ ვიცით, ყოველი ველური ადამიანის ლოლიკა. ყოველ მის მოქმედებასა და საქმიანობას საფუძვლათ, მოტივთ უდევს

მხოლოდ პირადი სარგებლობა: რაც ჩემთვის სასარგებლოა, ის საპირიანაოა და განხორციელებულიც უნდა იქნეს, თუნდაც რომ: ამან საზოგადოებას დიდი ზიანი მიაყენოს.

მაგრამ განა მართალია ის აზრი, რომ მშრომელ მასსას, მაშვრალს, რომელსაც მართლაც წამდელიათაც სირდება მიწა, მართლა გადამეტი ფული აქვს ან მოვბოვება იმდენი საშუალება, რომ საჭირო მიწა იყიდოს, რა იაფათაც არ უნდა იყოს ეს მიწა მიყიდული? განვიხილოთ.

ჩვენ ვიცით, რომ მშრომელი გლეხობა, დიდი ხანია, შეუღდა მიწის შეძენას, ყიდვას. მართლაც. ბატონ-კომბა რომ გადავარდა, მას აქით ეს გლეხობა ყიდულობდა მიწას, თუმცა ის ამისთვის ბევრ ჰაბან-წყვეტას იტანდა და წელზე ფეხს იდგამდა. აი, ასეთი გლეხობა, რომელმაც მიწის ყიდვა მოახერხა და შესძლო, დღეს ცოტათი თუ ბევრათ წელშია გამართული, მას ხელში რაიმე მოკცება. მაგრამ ამავე დროს დარჩენილია გლეხობის უმრავლესობა, რომელმაც ვერ შეიძლო, მიწა შეეძინა, ან შეიძინა იმდენი, რომ ჭოთ-ლა თუ ჰყოფნის. დანარჩენი საჭირო მიწა კი მას ღალაში აქვს აღებული. მშრომელი ხომ თავისი თავის მტერი არ იყო, არც იმდენათ ბეცი და შეუგნებელი, რომ არ ცოდნოდა, რომ მას თავისი საჭიროებისათვის საკმაო მიწა შეეძინა.

ასეთ შეუსაბამო ბრალს, დარწმუნებული ვარ, ვერავინ დასდებს ჩვენს მშრომელ ხალხს, მკვირცხლსა და თავის ფარგლებში ნიჭიერათ მომქმედს. მაგრამ იმის მიუხედავად, რომ მაშვრალს ეს საჭიროება ცხადზე უცხადესათ ჰქონდა შეგნებული, საჭირო და საკმაო მიწა მაინც ვერ შეიძინა, ვერ იყიდა. ვერ იყიდა კი მაშინაც, როცა მიწა ძალიან იაფათ ფასობდა. იყო ადგილები, სოფლები და საზოგადოებანი—და ძალიან ბევრიც,—სადაც ერთი ქცევა მიწა ფასობდა ათი მანეთიდან არა უძვირე ასი მანეთისა. იშვიათი მიწა უნდა ყოფილიყო, იშვიათ შემთხვევაში, რომ ქცევა ორას მანათამდე ასულიყო. ყიდვაც შეღავათიან პირობებში შეეძლო მშრომელს მოეხდინა, შეესარულიყო.

აი, ასეთ პირობებში და ამ ხნის განმავლობაში, ასეთი სიიარის დროს ვერ შეიძინა მიწა მაშვრალმა, მშრომელი ხალხის უმრავლესობამ. მართლაც, გადავლეთ თვალი ჩვენს სოფლებს. იქ ყოველი მიუღვამელი კაცი ნახავს და დარწმუნდება, რომ ამა თუ იმ სოფლის მცხოვრებთა შორის საკმაო მიწა აქვს მხოლოდ მშრომელს, არა აქვს კი მშრომელს, ე. ი. მცხოვრებთა სამ მესუთედს არა აქვს იმდენი მიწა, რომ ეყოფს სახან-სათესათ, საეზოვეთ, სავენახეთ და სახარდეთ, არა აქვს იმდენი, რამდენსაც მოითხოვს ახალი კანონის მიერ დადგენილი ნორმა. მკითხველმა უნდა იცოდეს, რომ ეს ციფრები ჩემი გამოგონილი არ არის. ეს სინამდვილეს სრულგებთ შეესაბამება, თუ აქ შეცდომაა, ეს შეცდომა უფრო იმის გამოთქმელია, რომ უმწიფელოთა რიცხვი ნაკლებია ნაჩვენებია და არა გადამეტი, გადაჭარბებული. ახლა ვიკითხოთ, რომელნიც ამდენი ხნის განმავლობაში განიცდიდნენ მიწის ნაკლებულებას, მოვბოვებთ განა გადამეტი ფული, რომ ეს უმტკივნელოთ გაიღონ მიწის საყიდლოთ?

მე გადაჭრით ვამბობ და ვამტკიცებ, რომ ასეთ პირთ ფული არ

მოვბოვება. ამიტომ აზრის წინააღმდეგის თქმა სიყალბეა, ზღაპარია და ცუბირობით გამოგონილია. ან საიდან უნდა ემოვათ ამათ ეს ფული ამ საარაკო ომიანობის დროს და საზღაპრო სიძვირის გამო: ჯერ იყო და ომიანობის ხანაში ესენი, მშრომელი ხალხის უმრავლესობა ომში იყო. მაშასადამე, შეძენას დოვლათისას, ფულისას მოკლებული იყო. ბევრიც ამათგანი მოკლებული იქნა და ოჯახი ამით გაპარტახებული დარჩა. ბევრიც დასახიჩრდა და სარჩენი შეიქნა. ამ ორი წლის განმავლობაში კი სარჩო საყიდელი ჰქონდა და, თუ ორიოდ გროშს იშოვიდა გადიდებული დღიურ ქირაში, გადიდებული ფასებსაც აძლევდა პურსა, სიმინდსა და ტანსაცმელში. მაშ, საიდანა გადიდებულა და ასეთი აღამიანი ფული?! ეს საზღაპრო ამბავია და ცხოვრების სინამდვილეს სრულგებთ დაშორებული. გარდა ამისა, შეძლებულ პირს, ამ რევოლიუციის წარმოების დროს საშუალება ჰქონდა, რადგან მას ხარი ან კამეჩი ჰყავდა და იარაღიც—ნაჯახი, წაღი და სხვ. ჰქონდა, საზოგადო ტყეები გაეჭრა და შეშა კარგ ფასებში გაეყიდა, სახან-სათესი, რაკი არავინ უშლიდა, ბლომათ მოეხნა. ამით კი ფულიც შეიძინა, რადგან გადამეტი სარჩო დიდ ფასებში გაჰყიდა. მაშვრალი და უმწიფელო კი, რომელს არც ხარი და არც კამეჩი ჰყავდა, არც საოჯახო იარაღი ჰქონდა, ამ გარემოებით ვერ ისარგებლებდა. მაშასადამე, იგი იმგვარად უმწიფო დარჩა. ის კი არა, მას საქონლის ჰირობა, რომელიც, ავტო სამი წელიწადია, სოფელში მძინავრებს, ხარ-კამეჩი გაუწყვიტა, თუ კი ასეთი მოვბოვებოდა. ახლის შეძენა კი ყოველად შეუძლებელი იყო სიძვირისა გამო. ამიტომ მან, მაშვრალმა ვერც საზოგადო და ვერც კერძო პირთა ტყე ვერ გაჩეხა, ვერც სახან-სათესი აიღო. მას თავისი ოჯახის გამოსაკვებათ სარჩოც კი საყიდლოთ ჰქონდა.

გადახედეთ სოფელს, ზეპირათ ნუ ამბობთ ყოლიფერს და დარწმუნდებით, რომ ეს, რაცა ესთქვი, სინამდვილეა, სინამდვილეა გადაუჭარბებელი. ახლა როგორ-ღა გინდათ, რომ ასეთმა პირმა თქვენგან მიწა იყიდოს, რა შეღავათიან პირობებში არ უნდა მისთავაზოთ მას ეს მიწა?! იგი, ამ პირობებში, იძულებული იქნება, თქვენც მხოლოდ დღლა გაძლიოთ და თვისი მაჯისა და ოფლის საშუალებით მოყვანილ ხორბალში ხარკი გაძლიოთ. განა ეს იგივე არა-პირდაპირი გადასახადი არ არის, იგივე გაძალ-ტყავება არ არის და იმავე უსამართლობას არა აქვს აქ ადგილი?! უეჭველია, ეს ყოველივე ასე იქნება.

და თუ თქვენ მართლა გული შეგტკივთ ხალხისთვის, თუ მართლა გსურთ ამ ხალხს არ წაართვათ ის შედეგი, რომელიც მან მოიპოვა რევოლიუციის საშუალებით, რადგან თვისი განიერი გულ-ბოკვი მედგრათ ააზვირთა, თქვენ ეს მიწა უსასყიდლოთ უნდა გადასცეთ ამ ხალხს, ამ მშრომელს, ამ მაშვრალს, რომლის კეთილდღეობაზე არის დამოკიდებული თვით სახელმწიფოსა და მთელი ერის კეთილდღეობაცა და ჯანსაღობაც. ამას მოითხოვს მშრომელი მასის ინტერესი. ამას მოითხოვს სინამდვილე, ამასვე გავალებთ ის უტყუარი გარემოებაც, რომ მხოლოდ ამისთვის, მართა ამისთვის აზვირთ, აღელდა ეს ხალხი

და ნუ ინებებთ, მას წაართვათ თვისი ცლითა და შეგნებული ნებისყოფით მოპოვებული უფლება, შეგნდლიათ მხოლოდ ერთი რამ: ამ ხალხს შემოსავლის კვალობაზე გააწეროთ გადასახადი და ეს გადასახადი აკრიფოთ. ამას გავალებთ პრინციპი და სამართლიანობა. ყოველივე ამის გარეშე კი იქნება ძალიანობა, საშინელი ბოროტება, უმადურება და ნამდვილი გაძალ-ტყავება მაშვრალი ხალხისა.

გავათავო. მინდა დავიჯერო და ჩემი თავი დავარწმუნო, რომ დამფუძნებელი კრების წევრი, რომელნიც ჩვენი ქვეყნის სხვადასხვა ადგილებიდან არიან ჩამოსული, კარგათ იცნობენ ცხოვრების საშინლების ნამდვილს და შეუღამაზებელ ვითარებას და ამიტომ უშიშრათ ხმას აიმაღლებენ სინამდვილისა და მაშვრალი ხალხისთვის. ჩემი რჩევა კი ის არის, რომ ნ. ბარათაშვილის სიტყვებით მოგმართოთ: ნუ იზამთ, ნუ ჩადიხართ ისეთ რასმე, რომ გათვითცნობიერებულმა და შეგნებულმა მაშვრალმა თქვენი სახელი წყევით მისცეს შთამომავლობას.

ტიბერელი.

დამფუძნებელი კრება და კონსტიტუცია.

(გაგრძელება იხ. „ახ. ნაგ.“ № 31)
მე გავხედავ და ვიტყვი, რომ ათინა მხოლოდ იმიტომ იყო ასეთი, იმიტომ იდგა ისე ახლოს პირველყოფილ დემოკრატიზმთან, რომ ძალიან ნაკლებად განიცდიდა სხვა ხალხთა ძალდატანებას და ბატონობას. ექვს გარეშე ერთი მოდგმის ხალხი ვერც ისე ადვილად შორდება წინაპართა ანდერძს და ჩვეულებას და ვერც ახერხებენ, ყოვლის მიუხედავად, შემოიღონ ისეთი წესები ჩავრა-წამების თავისი თანამომავლების მიმართ, რაიც ასე ახასიათებს სხვა დემოკრატიურ სახელმწიფოებს, რომელნიც აღმოცენდნენ ხალხთა დაპყრობით და დამორჩილებით.

ამისი ცოცხალი მაგალითი ჩვენს დროში შევიცარიდა. ეს ხალხი ძველი დროიდან თავის სუფლად მცხოვრები დიდი მთების—ალპების კალთებზე, ყოველთვის ახერხებდა საშინელი წინააღმდეგობის გაწევას შემოსეულთა წინააღმდეგ და თავისუფლებისა და დამოუკიდებლობის შენარჩუნებას.

სანტერესა, რომ შევიცარია შესდგება სამი ეროვნების მცხოვრებთაგან: ნემცებისა, ფრანგებისა და იტალიელებისაგან. მაგრამ ეს ხალხი იმათავითვე თემობრივ თავისუფალ ცხოვრებას შეჩვეული და ყოველგვარ იმპერიალისტურ მისწრაფებას დაშორებული, ადვილად დაუახლოვდა ერთმანეთს და საერთო ცხოვრება ერთ ჰერტკვეშ მოაწყვეს თანასწორობისა და თავისუფლების ნიადგზე შევიცარიის ფედერატიული რესპუბლიკა შესდგება 22 კანტონისაგან, რომელნიც სრულწად დამოკიდებულნი, სუვერენულნი არიან შინაურ კანონმდებლობაში და მართვა-გამგეობაში.

რომ ეს კავშირი შედეგია მათი თავისუფალი ნების ყოფისა, ნათლად სჩანს ფედერაციის კონსტიტუციიდან.

1 მუხლში სწერია: „ერთად შეკავშირებული შევიცარიის ოცდარის დამოუკიდებელი თემის ხალხი, ე. ი. ციურინი, ბერნი, ლიუცერნი და სხვანი შეადგენენ შევიცარიის კონფედერაციას.“

მუხ. 2. მიზანი კონფედერაციის არის უზრუნველყოფა სამშობლოს დამოუკიდებლობა, დამყაროს მშვიდობიანობა და წესიერება ყველა შევიცარიელთა შორის განაძლიეროს მათი საერთო კეთილდღეობა.

მუხ. 3. თემები დამოუკიდებელი არიან ფედერაციის კონსტიტუციით განსაზღვრულ ფარგალში და, როგორაც ასეთი, დამოუკიდებლად სარგებლობენ ყველა იმ უფლებებით, რომელნიც კანონმდებლობის თანახმად ფედერაციის მართველობის უფლებას არ ეკუთვნის.

ამ მუხლებიდან აშკარად სჩანს, რომ შევიცარიის სახელმწიფო შექმნილია განსაზღვრული მიზნით, დამოუკიდებლობის დასაცველად და საერთო კეთილდღეობისათვის და იგი შედეგია, არა ძალდატანებისა, დაპყრობისა და სხვა, არამედ თავისუფალი შეკავშირებისა საერთო საჭიროების დასაყვამილად და ურთიერთის დასახმარებლად. ეს კავშირი ნაყოფია ხალხის, დემდკრატიის შეგნებული მოქმედებისა და ამიტომ მას არა აქვს მიზნად ვისიმე უპირატეობის ან პრივილეგიების დაცვა. მეოთხე მუხლში სხვათა შორის ნათქვამია:

„შევიცარიაში არც ქვეშევრდომობა და არც რაიმე პრივილეგია ადგილობრივი. შთამომავლობითი, პირადი ანუ გვაროვნობითი“.

ამრიგად მთავარი დემოკრატიული პრინციპი თავისუფალი შეთანხმების ამ კავშირში სრულიად დაცულია.

ფედერაციის მართველობის სათავეში სდგას ორი პალატა. ერთი შესდგება ხალხის მიერ საყოველთაო არჩევნებით არჩეული დეპუტატებისაგან 3 წლით რიცხვით 20 ათას მცხოვრებზე თითო წარმომადგენელით და ეწოდება მას „საერთო საბჭო“, ხოლო მეორე პალატა შესდგება 44 წარმომადგენლისაგან კანტონების თვითმართველობაგან თითოზე ორ წარმომადგენლით და მას ეწოდება „ფედერალური საბჭო“.

ამ ორი პოლიტიკის ხელშია ქვეყნის მართვა-გამგეობა და უმადლესი ხელმძღვანელობა კავშირის საქმეებისა.

ფედერაციის კანონებში, დეკრეტები და დადგენილებანი გამოიცემიან ორივე სათათბიროს თანხმობით. საფედერაციო კანონები წარედგინებიან ხალხის წინაშე დასამტკიცებლად რეფერენდუმის საშუალებით, როდესაც ამას მოითხოვს 30,000 სრულუფლებიანი მოქალაქე ან რვა თემი.

თვით კანტონების შინაური მართველობა, რომელთა კავშირსაც წარმოადგენს შევიცარიის რესპუბლიკა, თუმცა სხვა და სხვანაირია ამა თუ იმ კანტონში, მაგრამ არსებითად ერთი და იგივეა დემოკრატიული პრინციპებით, ხალხის ბატონობით.

ყველა კანტონს თავისი შინაური წყობილების კონსტიტუცია აქვს და იმის თანახმად იწესრიგებს თავის საქმეებს.

საკანონმდებლო ორგანო ყველა კანტონებში შესდგება ერთი პალატისაგან, რომელიც შესდგება ხალხის მიერ საყოველთაო არჩევნებით არჩეული დეპუტატებისაგან. ზოგიერთ კანტონებში, როგორც არიან: ური, უნტერვალდენი, გლორუსი და აპპენცელი საერთო კრება ყველა ხმის მქონეთა—საერთო ყრილობა.

ამ პალატების ხელშია არა მარტო კანონმდებლობა, არამედ უახლოესი

ზედამხედველობა და განგებლობა მართვა-გამგეობისა, რომლის ტრადიცია და სხვა.

მაგრამ შევიცარიის სახელმწიფოშია და მშრომელთა ეკუთვნის ხალხის იგი არაფერს უთმობს თავისი უფლებიდან თავის წარმომადგენლებს და როგორც რწმუნებულებს, მუდამ თვალყურს ადევნებს და თუ დაინახა მათი მრუდე მოქმედება, ხალხი მაშინათვე მოითხოვს პალატის დათხოვას ვადის გასვლამდის და ახალი არჩევნების მოხდენას. მაგ. ნემცური კანტონებში ათას კაცს შეუძლია მოითხოვოს პალატის დათხოვა და მთავრობა ვალდებულია ეს საკითხი დაუყოვნებლივ ხალხს წარუდგინოს გადასაწყვეტად და თუ მიღებულ იქმნა დადებითი გადაწყვეტილება, პალატას დაუყოვნებლივ ითხოვენ და ახალი არჩევნები ინიშნება.

ამ გარანტიასაც არა კმარებს ხალხი. მას აქვს ვეტოს უფლება. 50 მოქალაქის მოთხოვნით მთავრობა ვალდებულია კენჭი უყაროს ამა თუ იმ გადაწყვეტილებას, რომელიც გამოაკვეთეს და თუ უმრავლესობა ამის წინააღმდეგი აღმოჩნდება, გადაწყვეტილება გაუქმებულია.

ამის გარდა შევიცარიელი ფართოდ სარგებლობენ საკანონმდებლო ინიციატივით.

ხალხი პეტეციის საშუალებით წინადადებას აძლევს მიიღოს ესა თუ ის კანონი, რომელსაც ხანდახან უკვე შემუშავებული სახით წარადგენს. მთავრობა ვალდებულია ეს კანონი ხალხს წარუდგინოს და კენჭი უყაროს. თუ უმრავლესობა კანონს მიემხრო, იგი უკვე ძალაში შედის.

ნამდვილად შევიცარიის დემოკრატია უფრო ხშირად სარგებლობს რეფერენდუმით, რომლითაც ხალხი ან ღებულობს ან უარჰყოფს საკანონმდებლო კრების მიერ მოწონებულ კანონებს.


თვით კანტონის მართვა-გამგეობა დამყარებულია თემთა თვითმართველობაზე.

„თემი შევიცარიაში სარგებლობს თვითმართველობაში ისეთი თავისუფლებით, როგორიც ძნელად მოიპოვება ევროპის სხვა ადგილებში ანალოგიურ ადგილობრივ მთავრობის ორგანოებში“— ამბობს ე. ვილსონი.

მასა აქვს საკუთრება, როგორც იურიდიულ პირს, განაგებს თავისი ტერიტორიის მართველობას და ადმინისტრაციას, სკოლის საქმეებს და სხვა. მცხოვრებთა საერთო კრება—სასოფლო ყრილობა—არის უმაღლესი ორგანო თემების მართველობისა. იგია კანტონის სახელმწიფო ორგანო ანხორციელებს ადგილობრივ ყოველგვარ სახელმწიფო—პოლიტიკურ ფუნქციებს.

თქვენა ხედავთ რომ ძირითადი თვისნა დემოკრატიული წყობილებისა—ხალხის გამგებლობა და სუვერენობა—ამ რესპუბლიკაში ისევე როგორც ათინის რესპუბლიკაში დაცულია.

ხალხი აქ ისე უყურებს თავის არჩეულ ხალხს დეპუტატებს, როგორც მათი ნების აღმსრულებელს, როგორც მათ მსახურთ და ამიტომ თუ მათ ავალეს მუშაობას, საქმის შესრულებას და საკანონმდებლო წინადადებათა შემადგენას, თვითონ, როგორც ბატონ-პატრონი მდგომარეობისა. იტოვებს უმთავრეს უფლებას ამ ნამუშაურის მიღება-უარყოფისა და



კანტროლისას. ამ პირობებში მთავრობა მართლა მსახური და მორჩილი ხალხისა და არა რაღაც განკერძოებული, მეზედ მალა მგომი ძალა, რომელსაც მოქალაქეები ქედ მოხრით უნდა ემორჩილებოდნენ.

ი. ვარაზაშვილი.

(შემდეგი იქნება).

† ლუარსაზ მოსხაძე

ლუარსაზის დაკარგვით ქართველმა ერმა დიდი დანაკლისი განიცადა. ჩვენი მწერლობის საუკეთესო გუნდის კალმოსებისას კიდევ ერთი ძვირფასი ადამიანი გამოაკლდა. ქართველ დამსახურებულ პედაგოგთა შორის მას ფრიად თვალსაჩინო ადგილი ეჭირა. ამიტომაც ღრმა კვალი დასტოვა მან თვისი მუშაობით ჩვენი ცხოვრების ამ დარგში. მეტად დიდსა და დაუღალავ მუშაობას ეწეოდა ის საპედაგოგიკო სარბიელზე, რისთვისაც მისი ხსოვნა და სახელი უკვდავყო თვისი ნაზისა და უნდაგრო მუშაობით. იშვიათად თუ მოიძებნება ადამიანი ისეთი სათნო, გულუხვი და პატიოსნებით აღსავსე, როგორც ლუარსაზი იყო. მის დაუღალავ და თავდადებულ მუშაობას უდავო მიეწეროს ჟურნალ „განათლების“ მოწყობა-მოგვარების საქმე. მრავალჯერ დასდგომია მას ისეთი წუთი, რომ ჟურნალის გამოცემა შეუძლებელი იყო, მაგრამ ლუარსაზი არ ზოგავდა არავითარ ძალას, რომ თვისი დაწყებული საყვარელი საქმე არ მიეტოვებინა — გამომცემლობა არ შეფერხებულა. თორმეტი წლის განმავლობაში იგი გმირათ ქცეული ყოველგვარ დაბრკოლების მიუხედავად ეწეოდა ჟურნალის გამომცემლობის საქმეს; და ისედაც ფრიად დიდი და ნაყოფიერი მისი ოცდაოთხი წლიანი საზოგადო მოღვაწეობა ქართველ მწერლობის სარბიელზე, უფრო თვალსაჩინო და მიმზიდველი შეიქმნა ჩვენთვის.

და ამ დაუღალავი, თავდადებული მუშაობით მან ბევრ ქართველს ასწავლა თუ როგორ უნდა ბრძოლა დასახულ მიზნებისადმი.

განსვენებულს მრავალი საპედაგოგიკო ხასიათის ნაწარმოები აქვს, რომლებიც უმთავრესად ჟურ. „განათლებაში“ იბეჭდებოდა.

მაგრამ უწყალო სიკვდილმა არ დაცალა კიდევ მხნეთ და მუყაითად ემუშავა ქართველი ერის საკეთილდღეოდ და მისი განწირული წმინდა სული ნანატრად დაიწვა ქართველი ერისათვის საკურთხევლზე.

რევოლუციის წითელ დღეთა შორის მრავალჯერ შეთახულა ქართველი ერის საზიაროთ გამზადებული გული დიდი დანაკლისების გამო. და დღესაც ხომ ასეთ დიდ დანაკლისს განვიცდით, ძვირფასი მასწავლებლის და საუკეთესო პედაგოგის ლუარსაზ ბოცვაძის დაკარგვით. ვგლოვობთ და გულითად უწუხვართ საყვარელი მასწავლებლის განშორებას.

ივ. კანდელაკი.

გაგვრით.

(სამხედრო ნაწილში *)

თეზმა სიტყვა: „სათქმელი ბევრი მაქვს, მაგრამ პირი წყლითა მაქვს საცხეო“. ასე მემართება მეც.

ირველივე ათასგვარ უსამართლობას,

ძალმომრეობას, გაიძვერობას და ლატს ხელად ადამიანი, მაგრამ ვერაფერი გითქვამს, ვერ გაგიმხელია. რა გროვით ვიყიდი ისეთ თავისუფლებას თუ ენაზე მტარვალისებურ ბოქლომს დაგვადებთ და უსამართლობის და უკუღმართობის წინააღმდეგ სიტყვას არ გვათქმევინებთ. მე მგონი რომ ყოველი ჩვენგანი მოვალეა საერთო ინტერესების წინაშე რომ თუ რამ უსამართლობას ხელდას მის წინააღმდეგ ხმა აღიმართლოს, სიტყვა სთქვას. რომ მით დამნაშავეთ გაკვეთილი მიეცეს და შემდეგშიც არ გამოვრდეს მსგავსი რამ უსამართლობა. მეც ამ აზრით ეხელმძღვანელობდი მაშინ, როდესაც ვწერდი ჩემს წერილს „შენიშვნები ჯარის კაცის ცხოვრებიდან“, რომელიც „ახალ ნაკადის“ ფურცლებზე იყო მოთავსებული, ისიც ვიცოდი და მჯეროდა, რომ ბევრს ჩახედებდა ის წერილი თავის გულში და იქ დაფარულ საიდუმლოებას მოსვენებას არ მისცემდა, სინდისი ქენჯნას დაუწყებდა, როგორც დამნაშავეს და შავს პიროვნებას სახელმწიფოს წინაშე. მაგრამ ისიც ვიცოდი, რომ ზოგიერთები გაკანდილებოდნენ და მუქარას შემოშლით დიდებდნენ და ჩემს დასასჯელათ არავითარ ძალას და ღონეს არ დაზოგავდნენ ოღონდ მე კი ჩავექოლეო და დავემკირებო, მაგრამ მე სრულებით არ მაშინებდა ასეთი რამეები და რაც ვსთქვი იმას დღესაც ვიმეორებ, რომ სრული ქეშმარიტებაა. თუ არ გავრათ მიდით ჯარისკაცთან გამოკითხეთ თავისი მდგომარეობა და შეადარეთ შემდეგ ჩემი ნათქვამი თუ ისევ ის არ გამოვიდეს, რაც ჯარისკაცმა გითხრათ თავის გაჭირვების შესახებ. თუ კი ეს ასეა, რა საჭიროა ჩემი შეურაოხყოფა და ჩაქოლეო ტყვილა უბრალოთ.

მე ვთქვი ის რის თქმაც შეეძლო გულშემატკივარ ადამიანს, რომ შემდეგში მაინც მიეცემა ჟურნალზე იმ გარემოებისთვის და გასწორებით შეცდომები თანდათან და შეძლებისდაგვარად.

ამის შესახებ მე ახლა აქ ჯერ ბევრს არაფერს ვიტყვი, ვინაიდან მეც მოველოდი ასეთ რამეებს დღევანდელ „თავისუფლების“ ხანაში და კიდევ აღსრულდა.

მაგრამ ის კი არ მჯეროდა, რომ თავისუფალი სიტყვისათვის თუ ასე დაუწყებდნენ დევნას პიროვნებას და აითვალისწინებდნენ ისე როგორც მე მომეცქნენ.

ჯერ რასაკვირველია შეეცადნენ რომ გაზეთის საშუალებით პასუხი გაცეთ ჩემთვის მაგრამ, როდესაც კარგათ დარწმუნდნენ ჩემს მიერ ნათქვამის სრულ ქეშმარიტებასა და სისწორეში, შემდეგ ამითვალისწინეს და შეხედვაც კი შეიძულეს ჩემი. ამის მთავარი მიზეზი კი გენერალი ქავთარაძეა, რომელიც სამხედრო სამინისტროს საერთო გან. კანცელარიის უფროსია. იგი ისე შეაშფოთა და გააბრაზა ჩემმა წერილმა, რომ არ იცოდა რა ექნა.

ჩემს მაგივრათ ჩემს უფროსს ამავე ნაწილის სარეგისტრაციო განყოფილებისასაც კი დაემუქრა და დასჯა შეიძლება, რადგან თურმე მან დროზე ვერ შეატყობია ჩემი წერილის გამოხვლა, რომ უფრო მალე გამსწორებოდა ხსენებული გენერალი.

*)იხ. „ახ. ნაკ.“ № 28.

მიკვირს ჯარისკაცი იმდენათ დაბლა რომ უნდა იდგეს სხვა მოქალაქეებთან შედარებით, რომ მას თავისუფალი სიტყვის უფლება არ ქონდეს. მაგრამ დღეს სხვა რა არის გასაკვირვებელი რომ ესეც გაკვირვებას აღძვდეს.

მაშინვე ჩემს შესახებ გენ. ქავთარაძემ ბრძანება გასცა რომ გავგოთ ჩემი ოჯახური წარმოება და თუ განთავისუფლება შეძლებას მისცემდნენ უნდა სრულიად განვენთავისუფლებინე სამსახურიდან (მე სამხედრო სამინისტროს სარეგისტრაციო განყოფილებაში ვითვლებოდი მივლენილად სამუშაოდ) ან და თუ ჩემი ოჯახური სდგომარეობა არ გამანთავისუფლებდა, მაშინ კი სამხედრო უფროსის განკარგულებაში აპირებდა ჩემს გაგზავნას, როგორც გავიგე. მაგრამ როგორც ჩემგანვე შეიტყეს, მე ერთად ერთი ოჯახის მარჩენალი აღმოჩნდი და მაშასადამე ჩემი გაძევებაც სამსახურიდან ადვილად შეიძლებოდა ახალი კანონის ძალით. საჭირო იყო მხოლოდ დასამტკიცებელი ქაღალდები იმისა რომ მე მართლა ოჯახის მარჩენელი ვიყავი, მაგრამ საჭირო ქაღალდების ჩამოსვლამდის, რომელსაც მოველოდი სოფლიდან არ გამაჩერეს იქ და უმისოთ მომცეს თავისუფლების ფურცელი, როგორც ერთად-ერთ მარჩენელს ოჯახისას ახალი კანონის ძალით, ხოლო ისე კი პირობა დამადებინეს რომ ათი დღის განმავლობაში წარმედგინა ჩემი მეტრიკა და მოწმობა ჩემი ოჯახის მარჩენლობის შესახებ. მკითხველო თქვენ თვითვე დაინახავთ თუ რა სულმოკლენი აღმოჩნდნენ ჩემს წინაშე გენ. ქავთარაძე თვისი ხელქვეითებით, რომ ათი დღეც კი არ გამაჩერეს სამსახურში, როგორც არა საიმედო პირი მათი აზრით. ყოველივე ამით თქვენ ნათლათ დაინახავთ თუ რა ნების ადამიანები ამშვენებენ ჩვენს სამხედრო ნაწილს. დემოკრატიულ სახელმწიფოსას.

ჩვენი აზრით ასეთი ნაბიჯებით ჩვენი გენერლები, საქმეს უფრო გააშფავებენ მიზნის მიღწევის მაგივრად, და სასაცილო მდგომარეობაში ჩაიკვივებიან, რადგან თავისავე ხელით დაანგრევნენ მას რის აშენებაც ვითომცა სწყურიათ. რომ ეს ასეა მრავლად საჭიროა, რომ გაკვეთილები რევოლუციიდან მიიღონ და არა ძველი დროის ისტორიის მტკვრიან ფურცლებიდან.

ავტორი.

უუხალ-გაგათიგრიან.

სოციალისტთა კრება.

შაბათს ბერლინში შესდგა სოციალისტების შეერთებული კრება, რომელზედაც უნდა გამოემუშავებინათ ზომები ოთხშაბათს მომხდარ უთანხმოების მოსასპობათ, კრებას დაესწრო ორივე სოციალისტურ პარტიის მხრით 300 დელეგატი. სხდომა გახსნა ედუარდ ბერნშტეინმა, რომელმაც წარმოთქმულ სიტყვაში აღნიშნა ორივე სოციალისტურ პარტიის გაერთიანების აუცილებლობა. ბერნშტეინის შემდეგ ილაპარაკა კოგენმა, რომელმაც სთქვა, რომ არც ერთ სოციალისტურ პარტიას გარკვეული პროგრამა არა აქვს, რაც გერმანიისათვის ერთ ერთ უბედურებას წარმოადგენს. კოგენმა პირადად აღნიშნა სოც.-დემოკრატიულ პარტიის მომავალი პროგრამა: პირველად ყოვლისა მხედველობაში უნდა იქმნეს მიღებული ის გარემოება, რომ გერმანია იძულებულია, დიდი ზომებით მიიღოს შრომის ნაყოფიერების გაზრდა, რომელიც უნდა ზრუნავდნენ ამაზე. ყოველ შემთხვევაში მომავალმა პროგრამამ უნდა უზრუნველყოს პროლეტარიატის დიქტატურა, როსლის შექმნასაც აპირებდნენ გერმანიაში რუსეთის მაგალითის მიხედვით, დიქტატურას ღიდ წინააღმდეგობას გაუწევდა ხალხის დანარჩენი ნაწილი, ხოლო ეს კი ტერორის გამოიწვევდა.

გაზ. „ვოლნა“ იტყობინება ამიერკავკასიის კასპიის იქითა მხარის და დაღესტნის პროფესიონალურ ორგანიზაციათა საყურადღებოდ, რომ კონფერენციაზე არჩეული ცენტრი ბაქოდან გადმოვიდა თფილისში და დროებით მოთავსებულია ელისაბედის ქუჩაზე.

პეტერბურგის წინააღმდეგ ზღვაზე ბრძოლა კოლჩაკს გენერალ აილინისთვის მიუზღვია.

საერთო პრება.

ივლისის 1-ს, სამშაბათს საექიმო საზოგადოების დარბაზში (პუშკინის სამკითხველო, ალექსანდრეს ბაღის გვერდით) საღამოს სრულ 7 საათზე შესდგება საქართ. რევოლუცი. სინდიკალისტ მაშვრალთა თფილისის კავშირის წევრთა საერთო კრება. დასწრება ყველა წევრთათვის სავალდებულოა. დასწრება შეუძლია არა წევრთაც. მოხსენებას თანამედროვე მომენტზე და ჩვენს მიზანზე გააკეთებენ ალ. წერეთელი, ბ. ქელბაქიანი და ალ. იოსელიანი. მოხსენებების შემდეგ გაიმართება კამათი.

ახალი ამბავი.

გენ. ნათიშვილი. როგორც გადმოგვცემენ გენერალი ნათიშვილი, ამა წლის აპრილიდან უკრაინაში უფროსობდა კომუნისტების წინააღმდეგ „ზაპაროვეცის“ დევიზის. მისი დევიზია როდესაც კომუნისტებმა გაანადგურეს, იგი გამოქცეულა შავი ზღვის ნაპირებისკენ, და ამჟამად ის მოხალისეთა დავალებით აღდგენს ტუშეშეცების დევიზიას. როგორც ბათუმიდან გვატყობინებენ,

ბევრი ქართველი აფიცრობა მიჰყვება ბათუმში ჩამოსვლილ ჯარს. ჩრდილო კავკასიაში. ლერმონოვიდან ჩამოსვლების ცნობით როდესაც დერბენიდან აზერბეიჯანის ჯარისკაცებმა, პირველათ მოხალისეთა დიკერთა პოლკი შექრილა. რომლის უფროსიც ყოფილა ქუთაისის მაზრის სამხედრო უფროსის თანაშემწეთ ხმყოფი პორუჩიკი, ეხლა კი პოლკის ნიკი გრიშა მასხარაშვილი, მას ბჭუი ქართველი აფიცრობა ყოლია პოლკში.

ჩვენი კავშირის მთავარმა კომიტეტმა მიიღო „ამონაწერი საქართველოს რესპუბლიკის ომში დაჭრილ და დასახიჩრებულთა კავშირის საერთო კრების (თიბათვის 22-ის) ოქმიდან“. მთავარი კომიტეტი ეცდებოდა ყოველ მხრივ დაეხმაროს მათ დასახულ მიზანში.

ს. წყალტუბო. ქუთაისის სამაზრო ერობა უკვე შესდგომია საგარეო შარა გზის შეკეთებას, სამუშაოდ მუშაობა ვერ არის, თურმე ჯერ-ჯერობით სასურველ ნიადაგზე დაყენებული.

ხანგრძლივ წვიმების წგამო აქეთ მოსავალი მეტად უმწყო მდგომარეობაშია, აბანოებზედაც მეტად მცირე რიცხოვანი საზოგადოება იყრის თავს გზების უფარვისობის გამო. სხვათა შორის ეხლა აქ იმყოფება საქართველოს მთავრობის თავმჯდომარე ნოე ჟორდანი და ჯავშნოსების სარდალი ვლ. გოგვაძე.

ჯერ ჯერობით აბანოებზე სრულებით არაფერი გაკეთებულა მომავლისათვის, როგორც ამბობენ ფართე გვემება განზრახული, უფროს ექიმად აქ არის დანიშნული ექ. შანშეღეევა. აბანოებით სარგებლობა ექიმის შეუმოწმებლად აკრძალულია, ბანაობა კი ღირს მანეთნახევარი.

„კრონოსის სარკე“. ამ მოკლე ხანში ტფილისში გამოვა ყოველთვიური სალიტერატურო და სამხატვრო ჟურნალი „კრონოსის სარკე“. ჟურნალში მონაწილეობას ღებულობენ ახალგაზდა მწერლები.

ჩვენი ფოსტა.

გ. ჯვარიშვილი. მოგვაწოდეთ წერილები.

რედაქტორ-გამომცემელი.

სარედაქციო-კოლეგია

მიიღება ხელის მოწერა 1919 წლისათვის

გ ა ზ ე თ

„ახალი ნაკადი“-ზე

გაზეთი გადიდებული ფორმატით გამოვა კვირაში ერთხელ კვირაობით

გ ა ზ ე თ ი ს ფ ა ს ი :

ერთი თვით 4 მან., ცალკე ნომერი 1 მან.

დაკვეთა შეიძლება წლიურად. მიიღება განცხადება.

ხელის მოწერა მიიღება გაზეთის კანტორაში სასახლის ქ. № 5, იქვე შეიძლება მდივნის ნახვა დილის 9—2 საათამდე და საღამოს 6—8-დენ.